



ル 5
3386
59



門 5
號 3386
卷 59

輿地紀勝校勘記卷三十九

潼川府路

卷一百五十七

資州

州沿革

併於益州安陽縣

益州即成都府又為蜀郡隋初郡廢故曰益州安陽縣即牛鞞縣

按下文云隋志于蜀郡之陽安縣下注云舊曰

牛鞞縣西魏改名陽安此處兩安陽皆陽安之誤

縣沿革

資陽縣

在周為資陽郡隋後復為縣

張氏鑑云

後上當有以字

風俗形勝

輿地紀勝校勘記

卷三十九

早稻田大學圖書館
28.9.8
藏書

劉光祖狀元樓記及道釋門序 按下文引圖經驛

鋪門及圖經風俗門此處道釋門上似當有圖經

二字

如董鈞范重凱李鼎祚皆以文顯 按人物門有范

崇凱此處重字乃崇字之誤方輿勝覽六十正作

崇是其明證

景物上

石炬 以火引至此地餘爐視之蓋石焉 按爐乃

燼之誤

東巖 峭若奇麗若剖大甕 張氏鑑云上若字似

當作石○只在重城五百間 按下文詩門百作

里是也

南巖 在盤石縣五十里 按方輿勝覽在作去無

五字

景物下

台星樓 卽東城門也 一統志二百五十二作卽州東

城門樓○爲趙衛公建黃裳爲之記 一統志作

趙雄建黃裳爲記 按衛公卽雄所封之爵

畫錦堂 後名中和 一統志無後字○趙衛公判

郡 一統志作宋趙雄判郡

翠微閣 在郡治書錦堂之南 按上文有畫錦堂

此處書字乃畫字之誤

博雅堂 又其上為凌雲 一統志作名其樓為凌

雲○他所未有也 一統志無也字

子規山 率以寒食悲名其上故名 張氏鑑云悲

名似當作悲鳴

大濛溪 寰宇記在盤石縣二十里 按寰宇記

六縣下有西字是也

四賢堂 繪王褒范崇范崇凱李鼎祚董鈞像 張

氏鑑云上范崇二字當衍 按一統志作繪王褒

董均范宗凱李鼎祚像今考紀勝下文人物門有

董鈞無董均有范崇凱無范宗凱當從張說

駟馬星 按下文碑記門靈仙觀碑注云西漢王褒

宅在資陽縣西駟馬里據此則此處星當作里

八角井 紹興壬午沙平泉出趙張冠俱外省云

張氏鑑云張似當作雄俱似當在冠上

青蓮院 蜀廣政建為天王院治平賜今額 張氏

鑑云廣政下治平下均似當有間字

赤土洞 懼而亟出終不能窮其源去 張氏鑑云

去似當作云

讀書台 又有范崇凱——云郡城四十里 張

氏鑑云云似當作去

古迹

唐肅宗御容 在崇壽聖觀老君殿之右 按上文

景物下崇壽觀注云唐肅宗御容在焉此處聖字

當是衍文

萇宏祠 後人立祠漢中縣城 按方輿勝覽萇宏

注云資中人上文縣沿革資陽縣注云本漢資中

縣地此處漢字下當有資字寰宇記萇宏祠在資

陽縣是其明證

王褒墓 宣帝夜祠金馬碧雞道病死 按據上文

此係元和志之語今考元和志三十一夜作使是也

○有宅滌硯水池見在 按據上文此係寰宇記

之語今考寰宇記見作現是也

官吏

羊士諤 按士諤唐人下文盧并上唐字當移此句

羊字之上

王清閔 嵌壑石洞古飄洒玉泉吐 按壑當作空

人物

王褒 按自褒至趙旂皆漢人王上當補漢字

王嗣 督汶山太守 按據三國志王嗣傳督上當

有遷西安圍四字○羌胡出馬才羊氈毼 按據

嗣傳才當作牛

董鈞 令鈞參議為見從用 張氏鑑云為見為字

疑誤 按據後漢書董鈞傳為當作多

李鼎祚 按鼎祚唐人不應列於宋人支漸之後當

移於前

仙釋

李阿 昔李阿樓真于此 張氏鑑云樓當作樓○

將受盤石宰 按受當作授

傅仙宗 至利州桔柏津水漲飛符斬二蛟風息遽

至京師後歸山 按遽當在息上○乾元間沐浴

脫化 按休當作沐

侯真人 尋有一童子青衣出者先生召福問先生

何人 按童子似當在青衣下者疑當作言○食

訖夫問之乃玉清山也及歸已七日 張氏鑑云

夫字疑誤 按夫似當作去

僧智誥 其母夢吞金已已而有娠 張氏鑑云上

已字疑誤○地湧臺如塔形高尺三許 按三當

在尺上○遂賜號國大禪師 張氏鑑云國大疑

有誤

僧令柔 爲圻州刺史 按圻非州名據注令柔係

唐人唐時有沂州圻字疑沂字之誤○又有馬頭

陀金頭陀王頭陀口頭陀 張氏鑑云原本破缺

一字

碑記

陳君德政碑 有碑在獠井埧層崖之腹 碑目埧

作壩抄本
作埧

隋勅改羅漢院碑 隋初—————碑今在

法雲寺 按隋當作——末——及碑字皆衍文

唐顏魯公書中興頌碑二 一在北巖 碑目北巖

作西崖

河相宏農碑 張氏鑑云河相宏農疑有誤

王褒墓石表 抄本碑目石作店誤

三仙磨崖題名 碑云貞十四年十月十日 碑目

貞作正觀抄本
作貞○三人同游 碑目游作遊抄本
作游

洗公石馬塔院記 按此下兩條脫去注語

鄭鋼詩 抄本碑目鄭字係空格○在北巖及甯國

寺 碑目無及字抄本
有

陳圖南詩 并邵博跋 碑目博作傳 按上文官

吏門有邵博係康節之孫卽撰聞見後錄者也作傳者非是

崇壽觀碑 見有石刻 張氏鑑云見當作現○乃唐御史中丞宋渾文已磨滅 碑目文上有撰字

抄本無

杜光庭醮壇山北帝院記 抄本碑目帝作席誤

按自此以下四條並脫去注語

盧并北巖詩 碑目并作駢抄本作并 按官吏門盧并

注云長於歌詠作駢者非是

唐裴瞻墓碑記 唐左僕躬裴瞻墓 張氏鑑云躬

當作射

唐韋臯紀功碑 碑在郡市中心居民室下 抄本碑

目民作氏誤○重徹民屋不果 碑目作重欲撤

民屋不果移抄本與紀勝同○上錄其文 碑目上作止

是也抄本作上○乃御製紀功碑銘并序 抄本碑目

乃作仍誤○惟碑陰 抄本碑目惟作推誤○臯

從孫鋌爲本州守日 碑目鋌作珽抄本作挺

安夷軍詩碑 移徙新市平縣基 碑目無徙字抄本

有○何時罷鼓鼙 抄本碑目罷作能誤

毘沙門天王讚 得碑城北隅 抄本碑目隅作隔

誤○唐羊諤為刺史撰并序 碑目諤上有士字

抄本 按上文官吏門羊士諤注云貶資州刺史

無 有士字者是也

資中志 李折序 碑目折作質抄本

詩

死却王褒五百卷資中不見有詞臣今朝忽遇登龍

客喜殺西郊謝逸人 張氏鑑云卷當作春

遙知底處人歡喜得西公綉衣還西州錦帳空南宮

使君五馬行豈減御史驄范蜀鎮送司封劉張

氏鑑云西公之西疑誤范蜀下似當有公字

神女蕭蕭來暮雨浮邱徃徃下雲駢范太按駢當

作駢

卷一百五十八 普州

州沿革

地歸板圖 按板當作版

舊治在鐵門山 一統志二百四十八舊上有縣字○開

寶四年徙于今治 一統志作宋開寶四年移今

治

縣沿革

安岳縣 九域志皇朝乾德五年省普康縣之安岳

按元豐九域志卷七無皇朝二字縣下有為鎮二字之作入

風俗形勝

故老傳有三臺

一思津樓至晉惠樓二普安樓至岳秀樓三天慶觀街至縣學舞雩坊

按注中上三字當作二

景物上

月巖

在安居高灘福聖院之對

按方輿勝覽

十六

三之作相是也。後崑尤奇 一統志崑作巖

雙溪

與岳陽溪合而東 一統志合下有流字

乾艾山

元域志載郡治安岳山

張氏鑑云元當

作九

按元豐九域志治作有。以安樂岳山在

郡南岳陽堤

張氏鑑云據上文樂字係衍文

婆娑水

其山綿亘數而里 張氏鑑云而當作百

按據上文此係元和志之語今考元和志三十三

水作山而作百張說是也

大安溪

在安居衆水最關 一統志最作之是也

○東流至合州入于江 一統志無流字于字○

孟蜀嘗取魚於此 一統志蜀下有時字

九曲溪

在安居縣頭陀寺之前 一統志無縣字

前作旁○九曲入于大安溪 一統志無于字

寶嚴院 僧顯琪進半天河于太祖皇帝特賜化川

大德 按賜下似當有號字

牛鬪山 在樂至縣三十里 張氏鑑云縣下有脫字

鳳凰山 在郡治之後 一統志作在普州治後○

氣象雄勝 一統志此句在上文州治據其脊之上

奴鷄山 寰宇記云安居縣六十里 按寰宇記十八

七 安上有去字是也

靈居山 寰宇記在安岳縣南一里 一統志作在

縣東南 按寰宇記一作七○為近城游覽佳處

一統志游作遊佳處作勝地

坐佛山 忽見白龍見須臾大雨 張氏鑑云兩見

字似有一誤

岳陽溪 郡守翰林彭乘 一統志無翰林二字

鐵山神 今姚史君墓是也 張氏鑑云史當作使

古迹

李洞讀易洞 洞卒葬子城東十里之焦山 按子

當作于

希夷故宅 一統志希夷作陳搏○在安居縣崇龕

鎮二里 一統志作在崇龕鎮去鎮二里是也。

國初卽其宅爲靈山觀宣和間賜額欽眞 一統

志國作宋間作四年額下有曰字

賈島墓 在州南山下 一統志作在普州南安岳

山下。今遂甯府長江縣亦有賈島墓 一統志

作又在長江縣。又唐安錡從事過普州岳安山

賈島墓詩曰 按元和志寰宇記皆有安岳山蓋

卽因安岳縣以得名紀勝上文景物上有安岳無

岳安此處岳安當作安岳

官吏

程知節 按自知節至賈島皆唐人程上當補唐字

韓澄 代宗大曆二年爲刺史按帝紀及郭英又傳

大曆二年英又爲劔南節度使 按以唐書代宗

紀郭英又傳及通鑑考之兩又字皆當作又兩大

曆二皆當作永泰元。英又奔簡 按又亦當作

又

康延澤 按自延澤以下皆宋人康上當補國朝二

字

彭乘 興歐陽文忠公宋景文公張文定公在翰林

同爲學士 按方輿勝覽興作與是也

喻汝礪 辭歸省歸 張氏鑑云省歸之歸字似當作親

王陶 興國四年通判州事 按自來無興國年號 惟宋太宗有太平興國年號興國上似當有太平二字

人物

汝顏 按自顏以下皆宋人汝上當補國朝二字
馮氏 在普有西宗北宗之別 張氏鑑云馮氏註西字與下南字似有一誤 按下文云南宗馮如晦張氏所謂南宗即指此而言今考方輿勝覽諸

馮注西作南又云南宗則有馮如晦當以南字爲是

馮宋 靖康初李綱罷政府宋同陳康伏闕上書 按以方輿勝覽考之康乃東之誤

馮山 子澥示 張氏鑑云下文有馮澥無馮示示字疑衍

馮澥 靖康召爲諫議大夫 按靖康下有脫字 杜孟 元孫暉 按暉字無考疑暉字之誤

趙開 首變茶鹽錢引榷酒之法 按榷當作權 雍昌 林宗姪孫 張氏鑑云林宗未見於上文俟

考下文馮翼宗注云如愚從子馮辰注云紹卿八世孫馮彥高注云紹卿四世孫如愚紹卿皆未見於上文亦俟考

馮彥高 已上普之黨籍上書邪等十有八人 張氏鑑云已當作以

仙釋神

小香王先生 常遊天池過陳希夷及麻衣道者乃辟穀修煉 按常似當作嘗過似當作遇。後尸解于青城山矣後復見于簡池之茶肆 按下後字疑衍文

玉局觀白道士 白道士乃曰叨恩無以為報曰嘗見方廣院西天池浴下有一吉穴 張氏鑑云下曰字當作日浴字疑衍

碑記

唐老君應見碑 開元二十九年岳陽郡奉勅建 按上文州沿革云普州安岳郡軍事岳陽當是安岳之誤

唐紫極宮碑 樂彥融篆額宮元元皇帝祠也樂又

重修 碑目宮作即 抄本自篆額至重修皆係空格

唐西巖禪師受戒序 碑目唐作廣序上有碑字 抄本

與地系用木甚言 卷三十九 三 懼盈齋

無碑 按注云開元十年建當以唐字為是○普

州刺史韋忠開元十年建 碑目忠下有撰字

郡北小千佛院記 普慈志在開皇十三年 碑目

年下有建字抄本無

賈浪仙墓表 字浪仙 按字上當有賈島二字

茗山平寇錄 見普慈志卷末 抄本碑目脫末字

詩

仙家鱗檜古小市鹿黎甘馮叔豹過崇龕寨題希夷宅

作梨

金鑾視草人安在曲水流觴迹巴空 張氏鑑云巴

當作已

文屬君華武硬弓馮如愚詩牟袞字君華國初普州破荒及第劉澤武藝精絕隨太祖

定天下號為劉硬弓甘普州人也 按甘疑皆之誤

輿地已勝交勛記 卷三十九 古 懼盈齋

輿地紀勝校勘記卷三十九終

輿地紀勝校勘記卷四十

潼川府路

卷一百五十九 合州

州沿革

而宋益州地理志領郡二十九 按益州二字當在志字下○而無所謂東宕郡 按上文云宋置東宕渠郡下文云至南齊志有東宕渠郡此處宕字下當有渠字

通鑑錄武帝天監五年邢蠻入漢中表 按以通鑑考之五當作四邢上當有魏字蠻當作蠻

縣沿革

石照縣 威遠將軍亘石虔 按亘石虔卽桓石虔
改桓爲亘者避欽宗諱後凡改亘石虔爲桓石虔
者仿此

巴川縣 元和志云開元二十二年刺史孫希莊

按元和志三十下二字作三莊作莊是也紀勝下

文云唐志年月亦同今考新舊唐志皆作二十三
年可以互證

銅梁縣 舊治在今縣北四十里奴崙山列宿塢上

方輿紀要六十作舊治在縣北列宿塢○開元
三年移就涪江南岸權立十六年移於東流溪塢

卽今治也 方輿紀要作後移治涪江南岸宋又

移治於東溪壩蓋遷徙不一也 按寰宇記一百

十六年下有遂東南三字塢上治作理據

此則移治東流溪實在唐開元十六年非宋時之
事紀要所引非也

漢初縣 按據元豐九域志卷七輿地廣記三十縣下

當注中字

風俗形勝

土風朴厚有先民之流當據華陽國志 按當乃常之誤

又按華陽國志朴作敦紀勝改爲朴者避光宗嫌

名

合州為古之墊江忠州為今墊江 按今下當有之

字

景物上

雙山 相傳漁者網得二石 一統志二百三十八 漁上

有有字○其一飛去其留者因即山築屋而寶祠

之一 一統志留上有一字

斜崖 在石照縣東北八十里 一統志石照縣作

合州○崖以此得名 一統志得作為○俗謂之

龍洞水山洞中出 一統志無俗字洞中作此

涪水 有石屹立水心 一統志有上有內江二字

○冬出水可二丈 一統志二作三

巴水 郡道元謂之潛水又謂之渝水 按郡乃酈

之誤

江樓 在州治之前 一統志作在合州治前

東山 下瞰涪內水 一統志內水作江在下文縈

紆可二里之下○引泉為池冬不涸 按涸乃涸

之誤

南戒 屬海而正所謂一一也 按據上文風俗形

勝門注則此句正字乃止字之誤

南峰 竇水伏流其下出為大澗澗名嘉魚 一統志作竇水流為澗有嘉魚

北巖 李文昌圖經始傳會為濮岩非也 按傳當作傳○岩有柏數阡章 按方輿勝覽^{六十}阡作千是也

葛山 在銅梁縣北十里 一統志十作二

悅池 清澈如鑑夏益以流潦不獨 按獨乃濁之誤

鍾山 有池大旱不竭 一統志竭作澗

寨山 一統志寨作砦○在石照縣西二十餘里

一統志石照縣作合州○至今發池或得戰按按池乃地之誤

景物下

朝宗閣 在僉判廳 一統志作在合州會判廳○

略如郡之江樓 一統志無郡之二字

映書軒 有何麒記有大榕圍二丈高七八丈蔭蔽一畝即記所謂二葛今其一僅存 按葛當作榕

清華樓 有晁公記 一統志作晁公武有記

學士山 山高不踰旁山 一統志山作其○而南

風斜崖大山 一統志大作諸

羅侯山 施者雲集遠建佛殿 按遠當作遂

東流溪 在巴川縣續通典云開元十六年縣因涪

江南岸東南徙一一填上即今治 按上文縣

沿革銅梁縣汪云開元三年移就涪江南岸權立

十六年移於東流溪填即今治也此處巴川當作

銅梁因當作由

朝霧山 元和志作霞 按作上當有霧字 又按

寰宇記亦作霞

銅梁山 九域志引益部舊傳云昔楚襄王滅巴子

張氏鑑云舊上當有者字○左思蜀都賦曰外

負銅梁而宕渠 按據文選而當作如○晉雲馮

時行嘗賦之 按方輿勝覽晉作緡今考下文碑

記門龍多山鷲臺院記注云緡雲馮時行記作緡

者是也

書臺山 有東漢末薛融讀書臺 一統志作東漢

末薛融讀書於此○又有唐康元良讀書臺在縣

西三十里牟山之上 一統志作牟山在合州西

二十里唐康元朗讀書於此○俗謂薛臺為東臺

一統志作俗名東臺山 一統志作俗名東臺

山在上文薛融讀書於此之下○康臺為西臺

一統志作俗名西臺山

龍門山 山高一里 一統志無山字○隱者蘇汝

礪之居也 一統志無居字○藏古今書三萬卷

一統志無古今二字

龍淵溪 中有大石俗謂有見女子理髮其上迫視

之金梳沒石遺跡今有 張氏鑑云沒似當作投

龍透山 有穴前後透 一統志作山壁絕峭中有

穴前後透穿

龍多山 有唐孫職方樵——錄云 一統志作

唐孫樵有龍多山錄○上頁一道宮 張氏鑑云

上當作山 按下文鷺臺泉注亦云山負一道宮

三佛刹張說是也○東有大池 一統志東上有

山字○泉自岩出 一統志岩作巖

釣魚山 西溪上流經其北 一統志溪作漢 按

下文云汾西漢水而歸則此句溪字自當作漢○

投釣江中 一統志鈎作釣

六羸山 一統志羸作羸 按注云六戰皆捷故名

當以羸字為是

白土平 一統志平作坪○地宜梔子 一統志宜

作多○夏彌望如積雪 一統志無夏彌二字

瀘崑山 一統志作巴嶽山○一名巴岳山 一統

志巴岳作瀘崑○山有巨石如狻猊是名香爐峰

一統志山作上無是字○有崑谷洞 一統志

有上有又字○有木蓮花 一統志有作又產○

花如菡萏出山則不植 一統志植作殖是也

古迹

元宗像 碑乃長興二年置乃後唐元宗年號 按

長興乃後唐明宗年號元當作明

官吏

張柬之 按自柬之至劉温皆唐人張上當補唐字

關詠 按自詠以下皆宋人關上當補國朝二字

陳公輔 路奏貶合州監酒 張氏鑑云路當作疏

人物

譙君黃 按君黃係漢人譙上當補漢字

三國魏薛融 按此條脫去注文

唐康元良 按此條亦脫去注文

李文素 虎鹿循其側 按改馴為循者避理宗嫌

名○賜粟三百碩 張氏鑑云碩當作石

張武 按武係前蜀王建之臣張上當補前蜀二字

移下文孝義陳氏之後

孝義陳氏 按陳氏係唐時所旌表當移上文張武之前

羅志冲 志冲先果州人後家合 按先下似當有為字

趙性 節紹興入對集英 按據方輿勝覽節字係衍文 又按紹興下似有脫字○對策以正士大夫之心術為患 按據方輿勝覽患乃急之誤

仙釋

爾朱白石 盛以蔑籠棄諸江 按蔑當作篾

僧淨業 作頌曰昨日羅刹心今朝菩薩面羅刹與

菩薩不如一條線 張氏鑑云如當作隔

碑記

唐令長新戒 其後為縣者 碑目後作后誤抄本

石門彌陀像 抄本碑目陀作陀○在石照縣之北

岩 碑目岩作巖抄本照○州別駕張釗為刺史作縣誤

孫希莊作 碑目莊下有故字作下有之像二字

抄本無

祭龍多山題名 天寶十四載 抄本碑目載作年

按天寶十四載正稱載不稱年之時作年者非

是○韋藏鋒準制醮祭 抄本碑目韋作常準作

集 按上文景物下龍多山注云又有天寶十四載韋藏鋒祭山題名作常者非也準制猶言奉詔此唐人常語作集者亦非也

唐大歷王鋌石鏡題名 抄本碑目唐上有涪內水石鏡題名七大字大曆十年三月三日北石出時兵甲息黎庶歸六氣調五種熟刺史兼侍御史王鋌記三十五小字大歷下無王鋌二字 按此條注云在內水石鏡之趾大歷十三年云此石出時兵甲息黎庶歸六氣調五種熟刺史兼侍御史王鋌記抄本碑目所多一條與此條大略相同

顯係重出之衍文○在內水石鏡之趾大歷十三年云 張氏鑑云云當作立○此石出時 抄本碑目此作北誤

盧舍那佛二菩薩記 在石照縣之北岩 碑目岩作巖 抄本照作縣之作二誤

季子墓銘 元宗命殷仲容蹋傳之 張氏鑑云蹋當作榻 按碑目正作榻○此刻不知何人所模 碑目不作未

濮巖銘 郡守劉象功磨崖 抄本碑目守下有州字誤

將軍祠石刻 院有———石刻云故唐將也

按注中五——即正文五字不應又有石刻二字
當是衍文○每歲春夏 抄本碑目無每字

唐永泰二年石刻 在化度院在縣西五十里 碑
目作在縣西五十里化度院是也抄本與紀勝同○齊永

泰止五月而永泰二年十一月始改大歷故知為
唐無疑 碑目而下當有唐字抄本而作西誤無唐字 按

上言齊永泰下言唐永泰語正相應有唐字者是
也

活樂鄉校記 張氏鑑云活字疑誤○郡人度正立

夫子廟 抄本碑目夫作太誤

詩

此時何限興回首寄羣鷗義光合州望黔樓 張氏鑑云義

光疑有誤

北巖寺正巴川北平挹高城一川隔慶歷五年南陽張固題此岩

按上文景物上有北巖注中此岩當作北巖方

與正文相應

二載巴川縣誰知是與非還鄉何所有載得一清歸

景帝孟知巴川二年還詩云云 張氏鑑云帝字疑誤

四六

竹谿仙洞尙餘前墨之痕雪案晴窗未改著書之迹

劉韶美賀
晁知郡啟

張氏鑑云前似當作湔

卷一百六十

榮州

州沿革

以其同為益州所隸故亦以南郡而附之於此段之末云 張氏鑑云而字係文

風俗形勝

男不巾櫛女衣班巾 按據注此係寰宇記之語今

考寰宇記

八十

班作斑是也

景物上

雙溪

城之北三里所高城山下有

按據方

輿勝覽

六十

所字係衍文○繞城出東南隅州城

之東北

張氏鑑云州上似當有自字

龍峒

按方輿勝覽峒作洞今考下文引陸務觀詩

今考陸集亦作洞○有歲寒堂堂上即真如閣堂

上石壁奇峭盡巨柏老蒼 按據方輿勝覽下堂

上二字及盡字皆係衍文○呀然一岫驚倒口空

洞坡陀三百尺 按方輿勝覽倒作墮空格係前

字據上文此係陸務觀詩今考陸集亦作倒空格

係人字

火穴 擲以土石炤仍作實非因呼乞火 張氏鑑云呼疑乎之誤

潛藩 而劔州升為普安軍 紹興中始再升為隆慶府 按以隆

慶府沿革考之興當作熙蓋普安乃孝宗潛藩紹

熙乃光宗年號其時孝宗為太上皇故升為隆慶

府若紹興乃高宗年號其時孝宗尚未即位無由

升府名也

景物下

榮德山 一名龍仙一名老君山 按山下似當有

山字

石牛鎮 何公廬江集載公母夫人墓誌公生於和

義別野即北地也 張氏鑑云野似當作墅北當

作此

婆日市 引龕水堤之使本與溪混 按本當作不

○山五里外茆則不住 按上文云就採山茆此

處佳字疑佳字之誤○硫黃旁有艾填力倍常艾

按填疑其之誤○舊大雪環山五里餘不積

張氏鑑云舊下有脫字

野容山 按注引元和郡縣志寰宇記今考元和志

三十寰宇記容作客○東西長三百餘里南北七

十里惟北山大在邑界 按寰宇記北作此

古迹

葛仙山 今又隋地割屬昌州 按據上文此係寰

宇記之語今考寰宇記無隋地二字

官吏

喬晚 按自晚以下皆唐人喬上當補唐字

李虛已 按自虛已以下皆宋人李上當補國朝二

字

何息 公請計利源羸縮 張氏鑑云羸當作羸

人物

廉遜處士 按改廉讓為廉遜者避濮安懿王諱

皇朝王夢易 按上文所載廉遜處士王庠即夢

之子此條當移至彼條之前

碑記

州院碑 偽蜀司倉參軍苟延慶撰 碑目苟作勾

抄本
作苟

唐刺史薛高邱摩崖碑 今字畫已磨滅 碑目滅

下有不可識三字
抄本無

榮隱山修道觀石碑 在本山上 抄本碑目山作

水誤

輿地紀勝校勘記卷四十終

輿地紀勝校勘記卷四十一 潼川府路

卷一百六十一 昌州

州沿革

新唐書志云乾元二年析置瀘普合四州地置昌州
張氏鑑云析置置字疑誤 按以唐志考之置
乃資之誤

唐書要載建置昌州年月在乾元二年而寰宇記乃
以為乾元六年州遂廢 張氏鑑云六似當作二

按寰宇記八十正作二張說是也紀勝下文引
寰宇記亦作二。如昌州以乾元元年李廷祚奏

請 按上文引寰宇記云乾元元年李鼎祚奏乞分六州地置昌州又云李鼎祚奏乞置昌州在乾元元年此處廷字乃鼎字之誤

寰宇記云大曆十年復置昌州以昌元為倍郭 按寰宇記元下有縣字倍作倚是也

縣沿革

大足縣 縣舊治在虎頭大足埧 一統志二百三十八作舊理在大足虎頭壩

昌元縣 周顯德元年 一統志年作初○為寇焚蕩移羅市鎮 一統志焚蕩作所焚移下有治字

○國朝天禧中遷今治 一統志作天禧中又移今治

風俗形勝

列岫羅巘瓜瓞不斷 譚用之修昌州記 張氏鑑云州下似

當有城字

景物上

南山 一統志南作高○平蜀餘賊任誘等 一統志無餘字等字○斌率兵顧昌州南斗山 一統志作嘗駐兵此山

英山 在永川縣北十里 一統志北上有西字

陔山 接三華之秀氣 一統志作近三華秀氣

溪山 在永川縣百里 一統志作去縣一百里

松石 一統志石下有坪字○永州來蘇鎮相近有

松化石 一統志作在永川縣來蘇鎮有松化石

按昌州有永川縣無永州縣今本州字乃川字

之誤○俗名為雷燒松 一統志名為作呼○或

云杜詩所謂萬年松化石者即此類 一統志無

或云二字及者字類字

景物下

香霏霏堂 一統志無下霏字 按方輿勝覽 六十

同○取坡仙之詩 一統志作取東坡詩○香霧

霏霏月轉廊之句名亭 一統志名亭作為名

葛仙山 圖經在昌元縣百餘里 一統志作圖經

云山去昌元百餘里是也○以葛仙翁居因名

一統志無居因二字

金土穴 治人取土和以鹽水包金入火 張氏鑑

云治似當作冶○東西州皆以為貴 張氏鑑云

州似當作川

碑子嘈 有石堅潤可採為硯 按碑疑硯之誤

井九山 寰宇記云在昌元縣一百五十里 按據

輿地系勝林甚詳 卷四十一
寰宇記縣下當有南字

九龍池 在昌元縣二里 張氏鑑云縣下有脫字

龍崗山 一統志崗作岡

龍島池 在永川縣十里 張氏鑑云縣下有脫字

藏馬崖 相傳云王蜀時山中民任氏產龍馬 一

統志作相傳蜀王時產龍馬於此

蓮花巖 在大足縣一里半 張氏鑑云縣下有脫

字

燒藥巖 晁公遯有詩云久矣晁竈毀寂然巖室空

張氏鑑云下晁字當作丹

綾波羅山 張氏鑑云上文綾池波山注云遙望狀

如水波此處波字似當在羅字下

古迹

鄧艾廟 君王不至輜車迎 按以三國志鄧艾傳

考之輜當作檻

官吏

本朝雍之奇 熙寧州郡應詔舉公 張氏鑑云熙

寧下有脫字

雍孝聞 應詔上書力抵紹聖用事者謂章惇雖斤

逐餘黨尚存 按抵當作詆斤當作斥○本觀庚

寅以星變大赦復官 按本乃大之誤

人物

黃貫 按自貫以下皆宋人黃上當補國朝二字

張臯 大抵皆指斥檜過失竟不睿鑒令臯以効用

去官臯不就 張氏鑑云睿上有脫字去字疑誤

李延智 循鹿徘徊墓上 按改馴鹿為循鹿者避

理宗嫌名

仙釋

董仙翁 仙翁置酒與道眾別翁援毫題詩於壁云

按下翁字疑衍文

定僧 寺人漆其身葬之土不知幾年或因于土得

之跣趺安坐院僧已復葬之 張氏鑑云于字已

字皆有誤

碑記

演教院碑 抄本碑目教作教誤○有斷碑載唐咸

通歲縣令唐允中 張氏鑑云歲上有脫字 按

碑目中下有建字是也

抄本無

淨土院碑 唐太和五年建 碑目太作大

抄本作太

吳季子墓碑 車氏持謙云此碑已載鎮江府暨江

陰軍合州並此凡四見殆後人高其義爭相撫立

耳○殷仲容奉詔摸榻 碑目摸榻作模榻○蕭

定刊之潤州 抄本碑目刊作刻○有張從申題

其後 碑目後作后抄本作後

古文孝經 凡二十二章今文十八章小異 抄本

碑目凡作元○及明皇注今文十八章孝經為古

文益微矣 碑目文下有者字是也○亦云古文

庶得其正 抄本碑目庶作廣誤

靖南志 太守黎伯巽序 碑目序作撰

詩

昌元建邑幾經年百里封疆秀氣勻 張氏鑑云年

當作春 按一統志年作春勻作新張說是也○

同時縣南三十里老鴉山有李戡李戮兄弟善碁

一統志山字下有山下二字

一懷山果三勝酒暮掩青峯卽下樓張唐民題 捫參閣 張

氏鑑云勝當作升

河梁望壘頭 按方輿勝覽壘作隴是也

卷一百六十二 渠州

州沿革

寰宇記云今卽江流縣東北七十里宕渠故城是也

按寰宇記一百八十三 流在江上是也紀勝下文縣

沿革有流江縣無江流縣是其明證

晉初蜀巴西郡

此據輿地廣記而晉志巴西郡下有宕渠縣

張氏鑑云

蜀似當作置

按據輿地廣記

一二十

蜀作屬是也

又云永口初郡國志有而无南字

張氏鑑云原空

一字

按據上文此係宋志之語今考宋志永下

無空格亦無志字檢宋志他條屢引永初郡國志

本不應有空格也

改爲潏山郡

張氏鑑云潏似當作鄰下同

按注

云舊唐志在天寶元年今考舊唐志作潏與紀勝

正合張氏因下文云通典及唐志並曰渠州鄰山

郡故有此說然考通典

一百七十五

新唐志皆作潏當

據以改鄰字之誤不得轉謂此潏字當作鄰也

又按下文鄰山縣鄰水縣新舊唐志通典皆作潏

隋志寰宇記則皆作鄰當各如其原文紀勝因宋

時作鄰遂改他書潏字爲鄰耳○通典及唐志並

曰渠州鄰山郡

按鄰當作潏說詳上文○輿地

記所取非是

按據上文記上當有廣字

通鑑唐昭宗乾寧二年梁州刺史陳蟠降于王建

按通鑑梁作渠蟠作璠降于作奔是也

縣沿革

鄰山縣 舊唐志云梁置鄰山縣 按舊唐志鄰作

潏下文引新舊唐志者仿此○元和郡縣志云縣

城南北三面有池圍繞東阻涅水甚險 按元和

志此卷久闕以上下文義考之南下當有西字寰

宇記南下有西字是其明證 又按寰宇記涅作

涅說詳下文景物上涅水

鄰水縣 在州東一百五十里 一統志二百四十一東

下有南字此句在下文崑樓鎮之下○通典云梁

置鄰水縣及鄰州後魏改為鄰水郡 按通典鄰

皆作潏○山南東南節度使裴度 按據上文此

係寰宇記之語今考寰宇記東南作西道與唐書

本傳合當從之○國初移治崑樓鎮 一統志作

乾德四年移縣治崑樓鎮

大竹縣 按此縣未注緊望等字蓋北宋皇祐時并

入流江南宋紹興時復置故元豐九域志卷七輿地

廣記三十皆未載此縣而紀勝亦無所據以注耳

○以邑界名產大竹為名 張氏鑑云上名字似

誤 按上名字疑多字之誤

風俗形勝

潏山重疊隣比相次元和郡縣志

按元和志此卷久闕

以下文景物上鄰山注所引元和志及寰宇記考之隣當作鄰

華陽國志云先漢以來士女正賢 按華陽國志正作貞紀勝改爲正者避仁宗嫌名

景物上

聖泉 其水自巖石中出冬夏不竭 一統志無其字及冬夏二字○其後有虹飲焉築亭其上 一統志其後作嘗築上有因字

溟水 寰宇記云在鄰山縣東二十步 按溟字無考寰宇記溟作涅二作一是也 又按下文云元

和志作涅水今考上文縣沿革鄰山縣注引元和志東阻涅水寰宇記涅作涅可以互證

鄰水 元和郡縣志在——縣其源出縣東鄰山縣二十六里 按元和志此卷久闕以寰宇記考之東下當有北字山下當有南流經東去五字

鄰山 元和郡縣志在——縣一百三十九里 按元和志此卷久闕以方輿勝覽_{六十}考之在當作去

樂山 在流江縣北三十二里 一統志流江縣作渠州○登山娛樂 一統志山作此

渠江 一源來自巴嶺山一源來自羅吳山 一統志作一出巴嶺一出羅吳山

景物下

晶然山 山東有崖崖下有石乳三條 一統志無

下崖字○西有高崖白色真宗因閱圖經御筆改

爲—— 一統志色下有舊名白崖四字無因

字

宕渠山 圖經在州東五十里 一統志經下有云

字州上有渠字○山澗長狹有似溝渠 一統志

澗作門

宕渠水 元和郡縣志在流江縣二里 按元和志

此卷久闕以寰宇記考之縣下當有東字

龍驤山 圖經在大竹縣南三十里 一統志經下

有云字

大流江 其水來自蓬州儀隴山 一統志作江自

蓬山縣來

小流江 其水來自果州相如縣來自絕嶮高百餘

丈 一統志無下來自二字嶮作險

大鄰水 西南入鄰水縣界 一統志入作流經無

界字○經恭州巴縣界 一統志經作入

小鄰水 在鄰山頂上西面流下 一統志作亦出

山頂西流○合入大鄰水 一統志無合字

八濛山 起伏八處以水環之 一統志以作有○

故曰八濛 一統志作故名即張飛破張郃處

綠沼山 在流江縣北四十五里 一統志流江縣

作渠州○上有池沼其水常綠 一統志無沼其

二字

仙門水 其水金盤山 一統志其水作源出是也

古迹

古賓國 所謂巴渝舜也 張氏鑑云舜當作舞

按寰宇記方輿勝覽皆作舞

人物

元賀 按自賀至趙萬妻皆漢人元上當補漢字

馮緄 獲生口十萬自是之夷不復逆命 張氏鑑

云之下似當有後字

龐雄 都亭侯侯字宣孟 張氏鑑云下侯字當作

龐雄

王平 鳴鼓持重逆兵得免 張氏鑑云兵似當作

拒

趙萬妻 乃以矛怖之娥束身刃貫心達背而死

張氏鑑云刃上疑脫赴字

皇朝杜濟 流江蒙頭人 張氏鑑云蒙頭疑有誤

仙釋

亦朱真人 其地寢為民居侵占 張氏鑑云寢似

當作寢。暇日訪諸故老仍得丹竈丹池 按仍

當作乃

碑記

雙石闕 其一鐫云 一統志無其字下同。漢新

豐令交趾都尉府居 張氏鑑云居當作君 按

一統志居作君下有世稱為馮碑沈闕七字蓋上

文有沈府君之語故稱沈闕下文有馮緄墓誌銘

故曰馮碑也

後漢車騎將軍馮緄墓誌銘 墓在大竹縣古賓城

雙石闕西南一丈二尺 一統志雙上有有字。

碑篆額云 一統志云作曰。車騎將軍之銘

一統志車上有漢字銘作墓。字猶可辯也 碑

目辯作辨無也字

抄本有

古賓城碑 抄本碑目賓作寶 按上文後漢車騎

將軍馮緄墓誌銘注云墓在大竹縣古賓城古迹

門有古賓城山又有古賓國注云巴人謂賦為賓

作寶者非也

宕渠志 無郡守題名及仙釋詩章等文 碑目釋

作述誤抄本作什亦誤

詩

水流花榭兩無情 按方輿勝覽榭作謝是也○子

規枝上月三更 按方輿勝覽子規作杜鵑是也

○五湖煙浪有誰爭 按方輿勝覽浪作錦是也

退居瀟洒寄禪關高桂朝簪淨室間 按方輿勝覽

桂作掛是也

淚因生別兼行舊回首江山欲萬行元微之贈吳士則詩 張

氏鑑云行乃懷之誤

卷一百六十三 敘州

州沿革

敘州口南溪郡軍事九域志 按依他州之例及元豐

九域志卷七輿地廣記三十一州下當注上字

奉地天官東井輿鬼之分野圖經據漢志 按據漢志滇

下當有熨字

杜少陵過此安州東樓賦詩 按以杜集考之安乃

宴之誤

縣沿革

宜賓縣 按此縣廢於熙寧四年復置於政和四年

故元豐九域志不載此縣據輿地廣記縣下當注

上字○寰宇記云漢制有蠻曰道 按寰宇記

九有上有縣字蠻作夷狄

宣化縣 按此縣未注緊望等字今考方輿紀要

此縣廢於熙寧四年復置於宣和初故元豐九域

志輿地廣記皆未載而紀勝亦無所據以注耳

慶符縣 按此縣未注緊望等字今考下文所引皇

朝郡縣志此縣政和三年始置故元豐九域志輿

地廣記皆不載輿地廣記即成於是而紀勝亦無

所據以注耳

風俗形勝

其土靜而有文其文朴而易治 張氏鑑云下文

疑誤 按下文文字似當作民

景物上

西樓 郡守宇文紹彭增廣之曰勝絕漕錢文子改

為古東樓 張氏鑑云漕下有脫字東當作西

峰巖 山坡荔枝連袤多屬廖氏山谷所賦廖氏平

家綠荔枝即此山所出也 張氏鑑云下氏字後

定誇山注作致 按下文詩門及方輿勝覽

輿地紀勝卷四十一
亦作致張說是也

景物下

東州道院 按上文州沿革云後分蜀為四路屬東
川路此處州字當是川字之誤 又按此條及下
條靖廉堂並脫去注文

平理堂 按此條亦脫去注文

朝陽巖 在宜賓縣十里 按據方輿紀要縣下當
有西北二三字

石門江 自此可方舟至關邊縣合馬湖 按下文
古迹門有廢開邊縣此處關字乃開字之誤

孝子石 隅叔通棘人性至孝 按據寰宇記方輿

勝覽隅當作隗

正婦石 按注引寰宇記今考寰宇記正作貞紀勝
改為正者避仁宗嫌名○在棘道縣七里舊州岸
按據寰宇記縣下當有南字

馬鳴溪 州家聞之將以貢在所 張氏鑑云在上
似當有行字○載至溪口振鬣長鳴躍于工溪因
以名 按工疑水之誤

鴛鴦圻 以督監等將之 按據上文此係通鑑晉
永和三年事今考通鑑監作堅是也紀勝下文亦

作堅

小漏天 俗謂之—— 按方輿勝覽作俗呼為
大漏天小漏天也紀勝上文大漏天下無注此處
之字下當有大漏天三字

壽昌院 所謂江山石爨之雄觀是也 張氏鑑云
石當作古 按上文州沿革云古爨國也風俗形
勝門云敘州古爨道張說是也

古迹

廢歸順縣 已上一二縣今併入爨道縣 張氏鑑云
已當作以

宜賓縣

本漢郾縣

張氏鑑云郾前皆作郾

按漢書地理志本作郾顏注音莫亞反紀勝上文
州沿革縣沿革等門皆作郾此處作郾者必傳寫
之訛

郾灘

按郾亦當作郾說詳上文

唐撫夷縣使南詔路

至阿旁部落

按據上文此

係唐志之語今考唐志旁作傍○詔祠部郎中袁
滋與內給事劉正諒使南詔由此乎 張氏鑑云
乎字疑誤 按唐志無乎字

官吏

先鐵 按鐵係梁人先上當補梁字

張九宗 按九宗以下五人皆唐人張上當補唐字

李亢達九奚采 按注云唐時來為郡守可知者五

人上文有張九宗劉岑李通三人並此二人正合

五人之數張九宗下有注語劉岑下李通下無注

語各空一字以例推之李亢達下須空一格九字

當是衍文○樂林官吏序 張氏鑑云樂林句疑

有脫誤

人物

任永 按自永至吳順皆漢人任上當補漢字○後

漢書李崇傳載—— 按據後漢書崇當作業○

公孫述招之托盲不至矣 按方輿勝覽矣作者

是也

黎幹 按幹及吳審皆唐人黎上當補唐字

廖翰 按自翰以下皆宋人廖上當補國朝二字○

翰與夷戰于馬鳴谿敗流數里不沒 張氏鑑云

流上似當有溺字

張彬 曲端之死彬以書與浚明曲端不反 按下

曲字疑衍文

仙釋

蒲道人 爲我製一編 張氏鑑云一上當有履字

碑記

韋南康紀工碑 碑目工作功是也抄本○在江西

舊州治岸漑 張氏鑑云漑疑澣之誤 按碑目

治作志誤抄本○大半磨滅 碑目作磨滅大半

抄本與紀勝同

定誇湖唐碑 波渺渺 抄本碑目波渺二字係空

格

大唐南詔王碑 碑目無大字抄本

唐古戎道碑 在州治之對天蒼山崖壁間 碑目

對上有西字抄本○乃唐乾封二年詹君秀修復

此道而爲之記 碑目無乃字抄本

金箱浩 碑目浩作誥抄本按注云在宣化上

流三十里吳季成所卜築在山之阿有山谷老人

所書盤谷序虔州學記碑刻以文義核之作浩作

誥皆不甚明析疑有脫誤○在宣化上流三十里

碑目在上有碑刻二字抄本在上有二空格

詩

歸計隋何許出溪仍沂流 張氏鑑云隋字疑誤

一川帶繞三平島萬巘還趨兩翠巒劉中張氏鑑

云申前多作甲 按上文風俗形勝門引劉甲雄
觀亭記張氏蓋卽據此而言

輿地紀勝校勘記卷四十一終

